

青海省地方史志
資料摘鈔集

山川

28年六月廿日

校對

294.4
31

抄西寧府新志卷之五

地理志

山川

西寧府

碾伯縣

積石山 去縣治東^南二百餘里故龍支縣南境兩山夾峙多

巨斧痕河出其中相傳即古積石恐非接張守節

史記正義云河州有小積石山河出大崑崙經於

闐入鹽澤潛行入吐谷渾界大積石山又東北流至

小積石山詳後崑崙崙積石二山辨因龍支縣孫今

碾伯南境隋時屬枹罕郡按枹罕今河州也故并
載此山

阿剌古山 在縣東一百里有林木山頂平坦可以耕
牧西連老鴉峽東俯享堂橋南臨湟水北接大通
連雲山 在舊廓州隋明皇三年稱萬年者三夏也

南山 在縣南六十里與寧邑南山相連延長數百
里各蕃族耕牧其間冬夏積雪不消聳出萬山
之上儼若銀屏又謂之雪山俗稱南山積雪為
十二景之一也

雷鳴山 在縣東關外延袤六七里上建雷祖廟

又名鳳凰山

龍泉山 在縣西北四十里與大石硤北山相連因下有

龍泉故名

四望山 在縣西三十里隍水經其陽漢趙充國自金

城渡河遺騎候四望隄中無寇喜曰吾知羌不能

為軍矣使發數千人守杜四望隄中兵豈能入哉

鐘帽山 在縣西南三十里以形似名土人呼馬哈刺山

遇早雲鎖即雨延袤與南寧山相連

蘿蔔山 在縣西北五十里石崖巉巖若蘿蔔之狀故名

峴山 又名掌吉兒峴峴在縣西兩山壁立千仞每

風起則峴山水六月可冰東北由他共石可達西
大通焉

朝陽山 在縣北五里兩翼張拱谷名瞭高頂

武當山 在縣北十五里石壁聳立絕頂有真武廟每

歲三六九月邑人祀之

鮑家山 在縣南百九十里古鄴南黃河北

迴龍山 在縣南七里迤邐曲折俗名墩坡

南大山 在縣東南過河六十里山路崎嶇陡峻上下

二十里係赴皋蘭縣小徑商旅多由此較大路近二

日自七里店東南行則不過碾伯河矣

北大山 在縣東五十里係赴阜蘭大路較南大山路

平二山之間即老鴉峽

黃草山 在縣南一百八十里

破圪塔山 在縣南一百九十里後有林木

羊戎山 在縣南一百二十里即新設巴燕戎城之鎮山也

奇峰山 在縣東北水溝驛北脉與與涼州碁桌二山相

連上有林泉怪石最為麗邑勝地即水溝奇峰俗

謂十二景之一也

小文山 在縣治南秦邊紀畧所云巴煖三川黃河煖限

於東小文山阻乎西者是也

青沙山 在縣東南一百八十里

克欠山 在縣南九十里石骨峻增產芍藥 川芎

拉咱山 在縣東南一百八十里

朶家山 在縣南一百二十五里

右四山在新設巴燕戎撫番廳所轄界內

分水嶺 在縣南巴州秦邊紀畧云嶺水東南徑美都

溝而溉三川嶺北水則徑巴川煖川是也

白土嶺 在縣治南白土城北後漢置白土縣

雞頂嶺 在縣南白土嶺南

巴金嶺 在縣南八十里

艾灣嶺 在縣東南巴州堡上下一十五里半山有水自山中出

餘吼嶺 在縣北一百一十里

丁令谷 在縣南宋清平故砦南崇寧中置隸積石軍

允吾谷 在縣東南漢允吾故縣也 在縣東南允吾谷西漢馬伏波追破西羌處

和羅谷 唐翼谷 在縣東故湟水縣西漢隴西太守遺李睦擊羌處

唐谷 在縣東故湟水縣謁者張鴻長史田颯擊

燒當戰於此

雄都谷 在縣東故浩亶縣西漢馬武與羌人戰處

承流谷 在縣西接鄜道元云湟水東左合承流谷水

南入右會達扶東西二谿水參差北注今接地界

自寧邑平戎驛東去十里即縣界是承流谷也在
碾邑也

雞谷 在縣西接水經注涅水東流期頓雞谷二水
北流注之

來谷 在縣東水經注涅水東徑樂都城南東流
又合來谷乞斤流水是也

細谷 在縣東水經注涅水左會陽非流谿細谷三
水東徑破羌縣故城南

丁羊谷 在縣治內古涅州境出金米和政洵金坑得鑛
成金

化隆谷 在縣南化隆縣因此而名

龍支谷 在縣南舊龍支縣西南縣因谷為名

大石峽 在縣西三十里較小石峽尤雄峙即趙營平

所遺騎候四望歷今人但知大石峽而不知四望山
並存以備考

犛牛峽 在縣南白土嶺北

老鴉峽 在縣東南五十里即南北二大山之峽湟水

流其中亦係赴阜蘭捷徑傍屋行隨湟水出峽
逾享堂橋與南大山舊路合矣內有大小石厓
極峻折俗謂之大小鸚哥嘴碾邑徐令志內

捐俸開修大石厓已平坦小石厓人力難施少
覺艱阻然不過數十武較之南大山俗名王家
大山者者二十里高下揮汗之勞矣

魯班峽 在縣東北六十里即阿刺古山之峽

文筆峰 在縣北三里色青

南高峰 在縣南過河七里與朝陽山相對今俗呼峰

堆頂

畫 峽 在縣東一百里冰溝驛東兩山相夾小橋流

水石壁灣環皴劈如畫前監司劉公殿衡題曰
大癡筆意隔谿可見余名以畫峽

黑 峽

在縣治南元和志云曜武軍在廊州南

二百里黑峽川是也

丁星原

在縣西大峽口四十里

樸水原

在縣東大通城南

馬雞原

在縣東南一百三十里距上川口三十里

蓮花臺

在縣東南七十里陸水徑其下數十年前有

異僧至縛茅而居今寺僧有二百餘衆矣余有詩

云三面臨流五瓣開亦賈錄也俗謂之蓮臺夕照

十二景之一也

紅崖洞

縣北二里許有空洞可以棲止人迹罕到以

其山赤因名十二景之一所謂紅崖飛石者是也

瞿曇三洞 在縣西三十二里山半俗謂之馬圈溝山絕
壁無階瞿曇寺僧鑿石盤折而上下臨瞿曇河
北流注於湟水沿河有高柳四十餘株鳥聲斷續
炎夏至此冷然善也

黃河 在縣治東南百七十五里過河即蘭州府河
州界

湟水 在縣南內外邑民謂之碾伯河水經注曰湟
水又東徑樂都城南東流是也

期頊水 在縣北注湟水

乞斤水 在縣東南山中與來谷水合至石嘴關地

入湟水

六谷水 在縣東南十三州志云湟水河在破羌縣南

門前東過六谷水自南破羌川自北左右翼注湟水

陽非水 在縣境會流谿細谷三水入湟水經破羌縣故城南

浩亶水 一曰閭門東南去縣治九十里上川口西北五里

今謂之大通河接范曄地志云浩亶水東至允吾

入湟水鄜道元水經注云浩亶河出西北塞外經敦煌

酒泉張掖南經西平鮮谷塞尉故城南又東南與

湛水合又東經養女山北又東經浩亶縣故城南又

東流注於湟水又東徑允吾縣北由今攷之河出青海界內名烏蘭木隆河在安西甘肅之南湛水今在大通衛界養女山在西寧縣北浩亶故城在碾伯縣界今河自大通衛西北徑寧邑北而至碾邑東南李土司享堂峽而出與湟水今謂之碾伯河合而東南流五里徑上川口大通河非浩亶乎大通河起於宋築大通城於河上亦猶改鄯州為西寧州遂呼湟水為西寧河改樂州為碾伯遂呼湟水為碾伯河也秦邊紀畧云河涼北接涼州東連白塔南通青海西界甘州其他可耕可牧水草大

善夏涼冬溫順治十六年麥力幹於此伐木陶瓦
大營室宮使其長子南力木居之招納流亡溉
種深耕為根本地余蒞任時曾經查詢自雍正
元年懲創青海諸部落之後此地已內屬矣

大谷水 在縣南澆阿故城北

盧水 在縣南接隋地理志在故化隆縣境

吐那孤川 在縣治西湟水北水經注云吐那孤長門兩
川南流入湟水

長門川 在縣治西湟水北

白土川 在縣南白土城東

廉川 在縣治東北接楊統云浩章鎮北據廉川充

髮烏孤所都烏孤傳云嘗登廉川大山而泣即此

破羌川 在故破羌縣東左入湟水

邈川 即縣治東西川今謂之碾伯川宋喻廝羅

都時祿邈川城

上川 在縣東南百里即上川口之川也東達臯蘭

西通碾邕南連巴古巴州古鄯北枕湟河漢土雜居商

賈往來

下川 在縣東南百四十里距上川口東四十里即

下川口之川也北界湟水南連河州居民田畔皆

植果木春來萬樹梨花水光映帶行人駐馬
舉鞭指為異景

三川 在縣治東南二百三十里東通皋蘭西連
積石南臨黃河北依古鄯碾邑節氣早於寧邑
而三川早於縣城故杏花先開十二景之一所謂
三川杏雨者是也

巴川 在縣南一百四十里即今之巴州川也

煖川 在巴州南巴煖之名由此按巴煖三川延
袤二百餘里平原築壘臨壑附巖則置寨水草
繁茂可牧可耕前明設宗水監四院曰永州曰

黑城曰清水曰美都後漸為番夷侵據自

國朝平定青海番人皆內附輸糧今又於巴燕戎古
鄯諸要地置官設兵廣行開墾番人不能出沒
剽竊而西張兩邑近南山一帶居民牛羊滿野一
童子牧之矣

核對六月

巴燕戎川 在縣南一百二十里新設撫番通判改設遊
擊俱駐劄於此自余請築城設官之後田土日闢
冠蓋往還數年以來生番漸知

王化衣冠廬室亦有彷彿漢民者非復昔日之比
蓋南山一帶延袤數百里距兩邑寫遠凡番民

輸糧結訟苦於跋涉今悉歸於通判縣官無鞭
長不及之虞矣

達扶谿 在縣南接水經注隍水東右會達扶東

西二水參差北注亂流東出是也

流谿 在縣治東

東谿 在縣治東北二里春時小橋流水花發

鳥鳴亦可遊賞邑人謂之東谿春色十二景之一也

菊花河 在縣東

夏家河 在縣治南距古鄆後二里許出南山東流

徑下川口入隍水

瞿曇河 在縣南四十里從南雪山流出蓋冰雪冬
積炎天消溶至夏兼之雨水地泉故長流無斷
北注於湟水

冰 溝 在縣東北九十里老鴉城北兩山壁立鳥道
中通赴臯蘭大路必由之徑泉水出山陰冬夏
不涸常疑為冰

美都溝 在縣南三川前明設美都監以此

勝番溝 在縣東北有土司祁氏園林在焉東路

橋圮每繞道出此樹木陰翳谿流湍激雖炎天暑

月涼爽如秋

石城津 在縣東南南臨黃河

鄭伯津 在縣東今下川口

雷泉 在縣治東北一里雷祖廟下

柳樹灣泉 在縣東北三十里長里堡山根下

冰溝泉 在縣治東北九十里出冰溝山

翠泉 在縣治東南九十里上川口西門外

藥水泉 在縣治西二十里大峽口藥水溝

紅泉 在縣治東南三十里紅水堡草灘居民遇旱禱之

妙泉 在縣治東南百一十里萬泉堡又名廟泉

黑泉 在縣治東南一百三十五里祁家堡下流溉田

古鄯泉 在縣治東南古鄯西門外擔水溝

中泉 在縣治南三十里洛巴溝中莊

藥草泉 在縣南五十五里藥草臺瞿曇寺下院也季

飛雲洩紺潔清涼十二景中所謂藥草流泉是也

雙龍泉 在縣東三十里高廟堡

七聖泉 在上川口南大小七孔水分為東西二壩灌

田甚多

龍池 在縣北松花頂有湫池三水清泓如鑑邑

民遇旱取水禱之謂之龍池甘露亦十二景之一也

大通衛

乾隆二十六年改設縣治

覆袁山 在衛治北隋煬帝征吐谷渾至此舊志云
在寧邑西北臨涼州界今衛地是也

金

首

山 在衛治南二十里起於寧邑止於衛地黑林

口喻尾百里山麓稍平處民間多開墾種植俗謂
之金娥山

西

山

在衛西三十五里南連寧境西蟠無際亂峰壁立

人跡罕至

大

寒山

在衛北四十五里奮於東南迄於西北首尾二

百餘里高數千仞衛地劃然為二故有山南山北之稱
石骨崢嶸鳥道盤錯為行旅之所必由而茂林流

泉亦有可觀又謂之打坂山

雪山 在衛東北百五十里自南而北計三百餘里峯

巒突兀積雪不消其東則甘涼地界焉

撥料山 在衛北五十里羣山環繞中多谿澗民向以
為畜牧之地巔多林木

聖姥山 在衛北三十里發脉於東峽折而北直至硤門
計五六十里中多清澗衛民多耕種於此山腰有聖
姥廟故名俗謂之娘娘山

霧山 在衛治北水經注云淇水東南流至霧山注淇
壺河按淇壺河自西北塞外入衛境折而東南經寧

碾兩邑界入於湟水按舊志云霧山在寧邑西北
三百里今在衛境無疑

硤門山 在衛治北二十里兩山對峙望之如門樹木
扶疎水聲激沸

古婁山 在衛北五里即大寒山之支庶也土原可墾
東山 在衛治大寒山東凡東硤居民暨廣惠寺
僧赴大通城者多由東山俗謂之上打坂

湧翠山 在衛東北百六十里其下有寺番名加尔多
又謂之加尔多山隔河之南其上多產林木夏秋

望之蔚然

沙金山 在衛西北百八十里永安城北奇峯劍列其色
盡赤相傳其下產金

燕麥山 在衛治東六十里燕麥川與西寧接界其
山長亘五六十里其上多松

紅山 在衛治大通城東其下皆牧地今勸民墾種
已成田矣

畫屏山 在衛治^北四十里有地名五間房者因初開衛
地此係南北通道起屋五間以為行旅棲止之所
今亦寥寥十數家耳山在五間房前野花啼鳥
畫屏焉

插漢山 在衛治永安城西北俗謂之插漢阿壩

松樹塘 在衛北大寒山根青松茂草怪石流泉雪

沒雨前望少圖畫

獅子崖 在衛北永安城西北余有詩云兩崖怪石
多中挂瀑布水巖雨陰忽晴滴雪低復起見
者深以為然

白 巖 在衛治霧山北

景陽巖 在衛治西北距永安城四十里

分水巖 在衛治北即大寒山巖諸泉水北流者

入浩盪河南流者入撥斜河

黑石頭灣 在衛治大通城西北四十里

柏樹峽 在衛治永安城西北二道溝兩山之間

徧生柏木與松樹塘之松堪並匹焉

撥斜峽 去衛城百里在撥斜山之東徑通青海

東峽 在衛東近寧邑北川閣門多雉

黑林峽 在衛西六十里山中斷而若門水雙流而似

帶青海蒙古入內取道於此常置重捍以防焉

白峽谷 在衛治霧山西北水經注云湛水有二隙西

水出白嶺下東源發於白峽谷合為一川東南流

至霧山注瀾門河瀾謂曰浩讀瀾也故亦曰瀾

門水兩兼其稱矣

二 瓠 谷 在衛治北臨涼州境漢護羌校尉傅育戰處
浩 壺 水 在衛治大通城南三里今謂之大通河水經注
云浩壺出西北塞外又云徑西平鮮谷塞尉故城南又
東徑養女山北今接此水發源青海地界正在衛
之西北繞過永安大通城東南徑寧張二邑注於
湟水接養女山今在寧邑界其鮮谷塞尉故城
處在衛治余巡歷其他見故城基址亦多因論
沒青海歲久不能辨其何處也

湛 水 在衛西北水經注云湛水東南流至霧山注

浩盪河

卧牛河 在衛治永安城西北景羊嶺之西流注浩盪水
撥科河 在衛東北七十里發源於撥科山自北而南約
一百里入亭邑水南門注於北川河南趨湟水凡大寒
山以北諸水俱入浩盪河以南諸水俱入此河民間多資
以灌溉

東硤河 在衛治東三十五里出寧山自東而西約六七
十里右會撥科河注亭邑北川民間資以溉田

黑林河 在衛西六十里原出塞外青海從黑林硤南
門而入其流雖細而四時不涸民間引以為渠以

上三水皆兩山相夾中係平野引水灌溉漸成良田
又謂之三川

插漢谿 在衛治永安城西北出插漢山徑甘州扁渡
口入於黑水

躲龍溝 在衛治紅山東俗謂之紅山嘴舊係牧地
亦勸民墾植成田矣

直溝 在衛治紅山東與上同

雪溝 在衛治東衛地尤寒於寧邑每冬積雪
盈溝故名兼有泉水東注撥斜河內有居民謂之

雪溝堡

老河溝 在衛治大通城西北北通涼州界水南注於
浩盪河

花 海 在衛治西北百三十里永安城北一片波光有

黃鴛鴦兩兩遊戲於中邊荒得此令人有濠濮間想

環 洄 在衛北五向房畫屏山下曲折如環水聲盈耳

燕麥川 在衛東六十里衛民耕種其間路通寧邑威

遠營閘門水經威遠營水洄

覆表川 在衛治隋煬帝西征困吐谷於此

野馬川 在衛西北距永安城一百四十里草薦水甘

地宜畜牧

星泉 在衛治永安城北與花海相近地多穴大小

星聚各有甘泉溢出四時不竭俗之亂泉子

黑泉 在衛治東三十里向陽堡源出馬蓮灘味甘

峽門泉 在衛治北二十里出納林溝味甘又名曰山布拉泉

古婁泉 在衛治北五里出林家灘又名曰林家泉味甘

半山泉 在衛治北六里出古婁半山

甘泉 在衛治北四里俗名寺嘴泉

泛水泉 在衛城東門外一里出北城根味甘

極樂泉 在衛治南十里出極樂溝俗名曰諾尔布

泉味甘

廣成泉 在衛^治東北五十里東峽內又名曰藥水泉居

民有疾飲之

天泉 在衛治東四十里出大河灘味甘

卧馬泉 在衛治西二十三里卧馬莊前

白石泉 在衛治西六十里白石山顛

多士泉 在衛治西北十里陽化堡

毛女泉 在衛治西南五里俗謂之毛洞泉

南山泉 在衛治西南五里

白崖泉 在衛治南七里

陽坡泉 在衛治南三里

零泉 在衛治東南十里零溝堡

雙泉 在衛治東南八里零溝堡二源奇發同瀉一渠

鼎足泉 在衛治東南二十里良教堡三孔各寬尺五

競瀉爭流

碟洞泉 在衛治東南三十里樵漁堡味甘上即碟洞

樵泉 在衛治樵漁堡東溝腦

漁泉 在衛治樵漁堡直溝腦

松林泉 在衛治東南二十五里樵漁堡

大泉 在衛治東十五里舊莊堡

紅石泉 在衛治七里紅石厓

科科泉 在衛治西北二十里古婁堡

上泉 在衛治西北十四里古婁堡味甘居民多汲取焉

青泉 在衛治西北十七里

兔泉 在衛治西北十六里古婁堡

鄴泉 在衛治西北十四里又謂之達鄴尔山泉

柳樹泉 在衛治東一里祁家堡

東泉 在衛治北三里祁家堡

石泉 在衛治西北五里石崖下

素泉 在衛治西北七里又呼為其漢木素泉

扁泉 在衛治東北十里

花豹泉 在衛治東北四十二里阿家堡

祁家泉 在衛治東北四十三里

林泉 在衛治東北四十五里多隆堡

燕泉 在衛治東北六十里燕麥川

廣惠泉 在衛治東北五十里廣惠寺

寺前泉 在衛治廣惠寺前

貴德所

乾隆二十六年改設西寧縣縣丞

東山 在所東二十里

郭兔山 在所東二十里

駐馬山 在所東五十里臨黃河東通康家寨

新城俗謂之扎麻山

仙跡山 在所東七十里俗呼為俺郎山

六娃山 在所東二百五十里

五柞山 在所東南六十里

果卜扎山 在所東南百里

圓柱山 在所東南二百里下即淵往番族所居又名

淵往山沒即青海界

寒塘山 在所東南七里又謂之安塘山

八湖山 在所西十里暖水河徑其下

西山 在所西四十里土人呼為西把切山

尔多拉山 在所西二十里

三泉山 在所西三十里山根有三泉湧出清澈可鑑人髮土人呼為爾納拉山

郎纏山 在所西百里後即青海界

南山 在所南即石門大山口明總兵官尤繼先破海寇卜列宗塔爾處

莫却山 在所南二百里番族往牧

剛响山 在所南百八十里番族往牧

龍池山 在所南百里山高峻絕上有漱池能吐納雲霧蒼松夾岸白水澄渟所治稱勝地焉因都受

番族牧其下又謂之都受山

洺山 在所北二里許黃河徑其南又謂之哈兒洺山

白石崖 在所東四十里

龍羊峽 在所西六十里兩峯雲舉望若闕焉黃河

貫流其中洶湧波襄震天動地不異呂梁之巨觀也

九曲 在所西南唐天寶中哥舒翰收復其地

黃河在所城北一里不能引灌元翰林侍讀學士潘

昂霄記曰河至貴德州地名必赤里始有州官

隸河州又云世言河九折彼地有二自乞馬兒及

貴德州必赤里也乞馬兒今在塞外貴德即所治也
清水河在所治東南百六十里清流見底東北注於黃
河清水河即河州界

煖泉河 在所西十五里隙出粗麻莫却二泉北注於
黃河

三岔河 在所東南百六十里源出深山流數十里分為二
水一水西北注於東河一水東北注於黃河

東河 在所東五里引溉民田餘流注於黃河

西河 在所西六里引溉民田餘流注於黃河以上二
河向未築有渠道民間決口漫澆未盡其利余率

同守弁洵築支幹渠二十道至今曠潦有備焉

羔楞河在所西四十里出西南山中北入黃河

奴隆河在所東南二百五十里界連河州

康家河在所東一百七十里北注黃河河東二十里即余

所請設之康家寨新城詳後藝文

北流河在所東南二百九十里康楊二寨引以溉田

北流注於黃河俗呼為唵重河

思古河在所治東二百三十里思古六寺資以灌田

東北流入黃河

莽刺川在所西南今為青海扎薩喇嘛插漢諾木

漢地界明洪武三年征西將軍鄧愈統兵至此

龍池 在所南都受山中池周回有三十餘丈其

深莫測泉口尺餘渾渾泡泡水流入渠溉田曠則致禱

莫却泉 在所城南莫却山下

粗麻泉 在所城西南東北流注於黃河

攬角泉 在所城南三十里攬角溝水流入渠溉田

熱水泉 在所西南三十里自地湧出如沸湯

石坡泉 在所西四里平地縣出北注黃河

大泉 在所西十里平地穴出流入西河

趙家泉 在所東三十里東山麓水行三里伏流

東山泉 在所東山中水行四里伏流

下馬泉 在所東二十里水流二里北入黃河

工巴泉 在所東五里山下水行一里伏流

姜家泉 在所西五里平地湧出水流二里入黃河

巖岔泉 在所東二十五里水流十里入東河

郭納泉 在所南百里西河之源

清水泉 在所南八十里柔滑甘寒可烹可瀹

駐馬泉 在所城東出駐馬山引以溉田餘流北

注黃河

松門楊氏曰禹貢奠高山大川表識疆理而體國

經野者所宜講求顧不重哉惟是寧郡僻在海隅
山則靠巍水則湮滌且屢為羌人所沒山川之號
非譯不明其蒞茲土者又以武備為亟而登高能
賦盛事闕焉故舊志所載寥寥若晨星求其
名如峴首一拳石惠泉一勺水渺不可得然黃河
為水之伯上應天漢今貴德隸於寧郡河運其
北為入中國之始無之三硤鎖護二水隍水
浩壘楊奔亦
形勝之處故在昔豪雄伺巖皆乘不戒之會而扼
易守之險俾穹窿之顛具為燃烽舉燧之地澄
泓之上咸成洗兵飲馬之場嘻任事者不能辭

其責矣我

朝御宇稜震西遐閩汀以外迄於西域不煩亭障候尉
而責琛使者相望於路蓋視漢加隆余忝列監司公
餘之暇巡歷之時向水尋山研經考牒稽疑明辨
補闕正訛較舊志增十之七八山水有靈或不笑
平章之無人矣

卷五終

校對記六月廿一日

